

唐  
音  
統  
籤

丁籤六十四戴叔倫之二 唐音統籤卷三百七

七言律詩

越溪村居

年來晚客寄禪扉多話貧居在翠微黃雀數聲催  
柳變清溪一路踏花歸空林野寺經過少落日深  
山伴侶稀負米到家春未盡風蘿閒掃釣魚磯

和汴州李相公勉人日喜春

年來日日春光好今日風光好更新獨獻萊羹憐  
應節遍傳金勝喜逢人煙添柳色看猶淺鳥踏梅  
花落已頻東閣此時聞一曲翻令和者不勝春

奉酬盧端公飲後贈諸公見示之作

佐幕臨戎旌旆間五營無事萬家閑  
風吹楊柳漸拂地日映樓臺欲下山  
綺席盡開留上客朱門半掩擬重關  
當時不敢辭先醉悞逐羣公倒載還

贈司空拾遺

侍臣何事辭雲陛江上彈冠見雪花  
望闕未承丹鳳詔開門空對野

一作楚

人家陳琳草奏才還在王

粲登樓興不除高館更容塵外客仍令歸去待瓊

華

贈史開府

南天胡馬獨悲嘶  
白首相逢話鼓鞞  
野戰頻年沙  
朔外旌竿高與雪  
峰齊扁舟遠泛輕  
全楚落日愁  
看舊紫泥早晚瑤  
階歸伏奏猶能畫  
地取關西

贈韓道士

一作張  
泌詩

日莫秋風吹野花  
上清歸客意無涯  
桃源寂寂煙  
雲閉天路悠悠星  
漢斜還似世人生  
白髮定知仙  
骨變黃芽東城南  
陌頻相見應是壺  
中別有家

登樓望月寄鳳翔李少尹

陌上涼風槐葉凋  
夕陽清露濕寒條  
登樓望月楚  
山迥月到南樓山  
獨遙心送情人趨  
鳳闕日隨陽

鴈極煙霄軒車不重無名客此地還能訪寂寥

遊清溪蘭若

兼隱者舊居

西看疊嶂幾千重秀色孤標此一峰丹竈久閒荒

宿草碧潭深處有潛龍靈仙已去空巖室一作到

客唯聞古寺鐘遠對白雲幽隱在年年一作年時不離

舊杉松

五言絕句

關山月二首

月出照關山秋風人未還清光無遠近鄉淚半宵

閒

一鴈過連營繁霜覆古城胡笳在何處半夜起邊聲

後宮曲

初入長門宮謂言君戲妾寧知秋風至吹盡庭前葉

昭君詞

漢宮若遠近路在寒沙上到處不得歸何人共南望

新別離

一作戎  
昱詩

手把杏花枝未曾經別離黃昏掩閨後寂寞心自

知

偶成

野水連天碧峰巒入海青  
滄浪者誰子曲醉中聽

泊湘口

湘山千嶺樹桂水九秋波  
露重猿聲絕風清月色多

題秦隱居麗句亭

北人歸欲盡猶自住蕭山  
閉戶不暫出詩名滿世間

遊道林寺

佳山路不遠俗侶到常稀  
及此煙霞暮相看復欲歸

荅崔載華

文案日成堆愁眉拽不開  
偷歸瓮間臥逢箇楚狂來

荅崔法曹

後會知不遠今歡亦願留  
江天梅雨散況在月中樓

將赴東陽留上包諫議



月  
子  
集  
卷  
二  
七  
五  
版邑連山遠仙舟數刻同多慚屢回首前路在泥  
中

古意寄呈王侍郎

夜光貯懷袖待報一顧恩日向江湖老此心誰爲  
論

敬報孫常州二首

衰病苦奔走未嘗追舊遊何言問憔悴此日駐方  
舟

遠道曳故屐餘春會高齋因言別離久得盡平生  
懷

荅孫常州見寄

畫鷁春風裏，輕鴻去若飛。  
歸能寄相憶，不並子猷歸。

新年第二夜荅處上人宿玉芝觀見寄

陽春已三日，會友聞昨夜。  
可愛剡溪僧，獨尋陶景舍。

問嚴居士易

自公來問易，不復待加年。  
更有垂簾會，遙知續草玄。

酬崔法曹遺劍

臨風脫佩劍相勸靜胡塵自料無筋力何由荅故人

將赴行營勸客同醉

絲管霜天夜煙塵淮水西明朝上征去相伴醉如泥

勸陸三飲酒

寒郊好天氣勸酒莫辭頻擾擾鍾陵市無窮不醉人

贈李唐山人

此意靜無事

一作無所欲

閉門風景遲柳條將白髮相

對共垂絲

送裴明州效南朝體

沅水連湘水千波萬瀉中  
知郎未得去慚愧石尤風

送李大夫渡口阻風

浪息定何時龍門到恐遲  
輕舟不敢渡空立望旌旗

歲除日追赴撫州辨對留別崔法曹

上國杳未到流年忽復新  
回車不自識君定送何人

人

容州回逢陸三別

西南積水遠，老病喜生歸。此地故人別，空餘淚滿衣。

夏夜江樓會別

不作十日別，煩君此相留。雨餘江上月，好醉竹間樓。

江館會別

離亭一會宿，能有幾人同。莫以回車泣，前途不盡窮。

赴撫州對酬崔法曹夜雨滴空堦五首

雨落濕孤客心驚比棲鳥空階夜滴繁相亂應到曉

高會棗樹宅清言蓮社僧兩鄉同夜雨旅館又無燈

謗議不自辨親朋那得知雨中驅馬去非是獨傷離

離室雨初晦客程雲晦暗方爲對吏人敢望郵童探

縱酒常擲盞狂歌時入室離羣怨雨聲幽抑方成疾

又酬曉燈暗離室五首

知疑好與謫聞與情人話猶是別時燈不眠同此夜

寒鐙揚曉燭重屋驚春雨應想遠行人路逢泥濘阻

鐙光照虛屋雨影懸空壁一向簷下聲遠來愁處滴

楚僧話寂滅俗慮比虛空賴有殘鐙喻相傳昏暗中

雨聲亂鐙影明滅在空階併在五言贈知同萬里

懷

同賦龍沙墅

回轉沙岸近欹斜  
林嶺重因君訪遺跡  
此日見真龍

三閭廟

一作憐  
光義詩

沅湘漉不盡  
屈子怨何深  
日暮秋風起  
蕭蕭楓樹林

七言絕句

閒思

伯勞東去鶴西還  
雲總無心亦度山  
何似嚴陵灘



上客一竿長伴白鷗閒

對酒示申屠學士

千重江水萬重山山裏青春度日閒且向白雲求  
一醉莫教愁夢到鄴關

精舍對雨

空門寂寂澹吾身谿雨微微洗客塵卧向白雲晴  
未盡任他黃鳥醉芳春

族兄各年八十餘見招遊洞

鶴髮婆娑鄉里親相邀共看往年春擬將兒女歸  
來住且是茅山見老人

過珥瀆單老

毫末成圍海變田單家依舊住谿邊比來已向人間老今日相過卻少年

穀城逢楊評事

遠自五陵獨窠身筑陽山中歸路新橫流夜長不得渡駐馬荒亭逢故人

與虞沔州謁藏真上人

故侯將我到山中更上西峰見遠公共問置心何處好主人揮手指虛空

登高回乘月尋僧

插鬢茱萸來未盡共隨明月下沙堆高緇寂寂不  
相問醉客無端入定來

聽歌回

秋風裏許杏花开杏樹傍邊醉客來共待客深聽  
一曲醒人騎馬斷腸迴

聽韓使君美人歌

仙人此夜忽淩波更唱瑤臺一遍歌嫁與將軍天  
上住人間可得再相過

夜發烏江作

一作袁江寄李  
穎川劉侍御

半夜回舟入楚鄉月明山色共蒼蒼孤猿更叫秋

風裏不是愁人也斷腸

宿灌陽灘

十月江邊蘆葉飛灌陽灘冷上舟遲今朝未遇高  
風便還與沙鷗宿水湄

蘄州行營作

蘄水城西向北看桃花落盡柳花殘朱旗半捲山  
川小白馬連嘶草樹寒

湘南卽事

盧橘花開楓葉衰出門何處望京師沅湘日夜東  
流去不爲愁人住少時

釋圓至云身不得去故愁水之去所以深傷已不能

去蓋叔倫事曹王于湖湘故有是作秦少游謫柳  
州有詞云柳江幸自遶湘山爲誰流下瀟湘去正  
意用此

### 湘川野望

懷王獨與佞人謀聞道忠臣入亂流今日登高望  
不見楚雲湘水各悠悠

### 蘇谿亭

蘇谿亭上草漫漫誰倚東風十二闌燕子不歸春  
事晚一汀晚雨杏花寒

### 題招隱寺

昨日臨川謝病還求田問舍獨相關宋時有井如

今在却種胡麻不買山

題武當逸禪師蘭若

我身本似遠行客況是亂時多病身  
經山涉水向何處羞見竹林禪定人

對月荅元明府

山下孤城月上遲相留一醉本無期  
明年此夕遊何處縱有秋光知對誰

小雪

花雪隨風不厭看更多還肯失

一作蔽

林巒愁人正

在書窓下一片飛來一片寒

荅崔法曹賦四雪

楚僧躡雪來招隱先訪高人積雪中已別剡谿逢  
雪去雪山脩道與師同

酬駱侍御荅詩

風傳畫閣空知曉雨濕江城不見春堆案遶牀君  
莫怕已經愁思古時人

撫州被推昭雪荅陸太祝三首

求理由來許便宜漢朝龔遂不爲疵如今謗起翻  
成果惟有新入子細知

貧交相愛果無疑共向人間聽直詞從古以來何

限枉慚知暗室不曾欺

春風旅館長庭蕪  
俛首低眉一老夫  
已對鐵冠窮事本  
不知廷尉念冤無

敬酬陸山人二首

黨議連誅不可聞  
直臣高士去紛紛  
當時漏奪無人問  
出宰東陽笑殺君

由來海畔逐樵漁  
奉詔因乘使者車  
卻掌山中子男印  
自看猶是舊潛夫

贈殷亮

日日河邊見水流  
傷春永已復悲秋  
山中舊宅無



人往來佳風塵世三載

代書寄京洛舊遊

今年十月溫風起湘水悠悠生白蘋欲寄遠書還  
不敢卻愁驚動故鄉人

將至道州寄李使君

九疑深路遶山回木落天清猿書哀猶隔簫韶一  
峰在遙傳五馬向東來

別張員外

木葉紛紛湘水濱此中何事往頻頻臨風自笑歸  
時晚更送浮雲逐故人

再巡道永留別

鬢下初驚白髮時更逢離別助秋悲  
從今不學四方事已共家人海上期

送董頴

霜鴈群飛下楚田羈人掩淚望秦天  
君行江海無定所別後相思何處邊

送張評事

城郭喧喧爭送遠危梁裊裊渡東津  
楊花展轉引征騎莫惟山中多看人

住營送馬侍御

萬里羽書來未絕五關烽火盡仍傳故人多病盡  
歸去惟有劉楨不得眠

送襄判官回湖南

莫怕南風且盡歡湘山多雨夏中寒送君萬里不  
覺遠此地曾爲心鐵官

別崔法曹

欲作別離西入秦芝田東逕往來頻東湖此夕更  
留醉逢著廬山學道人

送上饒嚴明府攝玉山

家在故林吳楚間水爲谿水玉爲山更將舊政化

隣邑遙見通人相逐還

送呂少府

共醉流芳獨歸去故園高士日相親  
深山古路無楊柳折取桐花寄遠人

送獨孤悋還京

舉家相逐還鄉去不向秋風怨別時  
湖水南重山萬壑定知行盡到京師

送孫直遊郴州

孤舟上水過湘沅桂嶺南枝花正繁  
行客自知心有托不聞驚浪與啼猿

送人遊嶺南

少別華陽萬里遊  
近南風景不曾秋  
紅芳綠萼是行路  
縱有啼猿聽卻幽

送秦系

五都來姓無舊業  
一代公卿盡故人  
不肯低頭受  
蜀東遠師谿上拂纓塵

龍山寺會送尹秀才

湖上逢君亦不閒  
暫將離別到深山  
飄蓬驚鳥那自定  
強欲相留雲樹間

臨流送顧東陽

海上獨歸慚不及邑中遺愛定無雙  
蘭橈起唱逐流去卻恨山谿通外江

送蕭二

擬向田間老此身寒郊怨別甚於春  
又聞故里朋遊盡到日知逢何處人

妻亡後別妻弟

楊柳青青滿路垂贈行惟折古松枝  
停舟一對湘江哭哭罷無言君自知

和崔法曹建谿聞猿

曾向巫山峽裏行羈猿一叫一回驚  
聞道建谿腸

欲斷的知斷著第三聲

丁籤六十四戴叔倫之三 唐音統籤卷三百八

附錄

從軍行

丈夫四方志結髮事遠遊  
遠遊歷燕薊獨戍邊城  
瞰西風蠡水寒明月關山愁  
酬恩仗孤劍十年敵  
貂裘封侯屬何人蹉跎雪盈頭  
老馬思故壠窮鱗  
憶深流彈鋏動深慨  
浩歌氣橫秋報國期  
弩力功名良見收

感懷二首

尺帛無長裁淺水無長流  
水淺易成枯帛短誰人



人生取舍閒超競固非優舊交跡雖疎中心自  
云稠新交意雖密中道生怨尤踟躕復踟躕世路  
今悠悠

主人飲君酒勸君弗相違但當盡弘量觴至無復  
辭人生百年中會合能幾時不見枝上花昨滿今  
漸稀花落還再開人老無少期古來賢達士飲酒  
不復疑

喜雨

閒居倦時燠開軒俯平林雷聲殷遙空雲氣布層  
陰川上風雨來飄然滌煩襟田家共歡笑溝澮亦

已深團團聚鄰曲斗酒相與斟  
樵歌野田中漁釣  
滄江潄蒼天豎有念悠悠終我心

### 江行

漾舟晴川裏掛席候風生  
臨泛何容與愛此江水  
清蘆洲隱遙嶂露日映孤城  
自願踈野性屢忘鷗  
鳥情聊復於時顧暫欲解塵纓  
驅馳非吾願虛懷  
浩已盈

### 南野

泊田長山下引流坦溪曲  
東山有遺塋南野起新  
築家世素業儒子孫鄙食祿  
披雲朝出畊帶月夜

歸讀身勛竟忘疲  
團團欣在目野芳綠可採  
泉美清可掬  
茂樹延晚涼  
早田候秋熟  
茶烹松火紅  
酒吸荷杯綠  
解佩臨清池  
撫栗看修竹  
此懷誰與同  
此樂吾所獨

孤鴻篇

江上雙飛鴻  
飲啄行相隨  
翔風一何厲  
中道傷其雌  
顧影明月下  
哀鳴聲正悲  
已無矰繳患  
豈乏稻粱資  
噫噫慕儔匹  
遠集清江湄  
中有孤文鵠  
翩翩好容儀  
其欣相知遇  
畢志同棲遲  
野田鳴鵝鳥  
相妒復相疑  
鵠鴻不汝較  
奮利翅高飛  
焉隨腐鼠欲

有此雲霄期

歎葵花

今日見花落明日見花開  
花開能向日花落委蒼苔  
苦自不同凡卉看時幾日迴

巫山高

巫山峨峨高插天  
危峰十二凌紫煙  
瞿塘嘈嘈急如絃  
洄流勢逆將覆船  
雲梯豈可進百丈  
那能牽陸行  
巉巖水不前  
灑淚向流水  
淚歸東海邊  
含愁對明月  
明月空自圓  
故鄉回首思綿綿  
側身天地心茫然

行路難

出門行路難富貴安可期  
淮陰不免惡少辱阮生  
亦作窮途悲顛倒英雄古來有封侯却屬屠沽兒  
長安車馬隨輕肥青雲賓從紛交馳白眼向人多  
意氣宰牛烹羊如折葵讌樂寧知白日短時時醉  
擁雙蛾眉揚雄閉門空讀書門前碧草春離離不  
如拂衣且歸去世上浮名徒爾爲

白苧詞

館娃宮中露華冷月落啼鴉散金井吳王扶頭酒  
初醒秉燭張筵樂清景美人不眠憐夜永起舞亭

亭亂花影新裁白苧勝紅綃玉佩珠纓金步搖  
鸞轉鳳意自嬌銀箏錦瑟聲相調君恩如水流不  
斷但願年年此同宵東風吹花落庭樹春色催人  
等閒去大家爲歡莫延佇頃刻銅龍報天曙

邊城曲

人生莫作遠行客遠行莫戍黃沙磧黃沙磧下八  
月時霜風裂膚百草衰塵沙晴天迷道路河水悠  
悠向東去胡笳聽徹雙淚流羈魂慘慘生邊愁原  
頭獵火夜相向馬蹄蹴蹋屨冰上不似京華仗少  
年清歌妙舞落花前

屯田詞

春來耕田遍砂磧老稚欣欣種禾麥麥苗漸長天  
苦晴土乾确确鉏不得新禾未熟飛蝗坐青苗食  
盡餘枯莖捕蝗歸來守空屋囊無可帛餅無粟十  
月移屯來向城官教去伐南山木驅牛駕車入山  
去霜重草枯牛凍死艱辛歷盡誰得知望斷天南  
淚如雨

早春曲

青樓昨夜東風轉錦帳凝寒覺春淺垂楊搖綠鶯  
亂啼裊裊煙光不堪剪博山吹雲龍腦香銅壺滴

愁更漏長玉頰啼紅夢初醒羞見青鸞鏡中影儂  
家少年愛遊逸萬里輪蹄去無跡朱顏未衰消息  
稀腸斷天涯草空碧

相思曲

高樓重重閉明月腸斷先年隔山別紫簫橫笛寂  
無聲獨向瑤窓坐愁絕魚沉鴈杳天涯路始信人  
間別離苦恨滿牙床翡翠衾怨折金釵鳳凰股井  
深轆轤嗟綆短衣帶相思日應緩將刀斫水水復  
連揮刃割情情不斷落紅亂逐東流水一點芳心  
爲君死妾身願作巫山雲飛入仙郎夢魂裏



春日早朝應制

山仗肅朝官承平聖主歡月沉宮漏靜雨濕禁花  
寒丹荔聚金闕朱纓貢玉盤六龍扶御日只許近  
臣看

南軒

野居何處是軒外一橫塘座納薰風細簾垂白日  
長面山如對畫臨水坐流觴更愛閒花木欣欣得  
向陽

山居卽事

巖雲掩竹扉去鳥帶餘暉地僻生涯薄山深俗事

稀養花分宿雨剪葉補秋衣  
野渡逢漁子同舟蕩月歸

臥病

門掩青山臥薜蘿積雨深病多  
知藥性客久見人心衆鳥趨林健  
孤蟬抱葉吟滄洲詩社散無夢盍  
朋簪

晚望

山氣碧氤氲深林帶夕曛  
人歸孤嶂晚犬吠隔溪雲  
杉竹何年種煙塵此地分  
纔願寧異此猶恐世間聞

山行

山行分曙色一路見人稀  
野鳥啼還歇林花墜不飛  
雲迷樓鶴寺水澁釣魚磯  
回首天將暝逢僧話未歸

泛舟

風軟扁舟穩行依綠水堤  
孤樽秋露滑短棹晚煙迷  
夜靜月初上江空天更低  
飄飄信流去悞過子猷溪

客中言懷

白髮照烏紗逢人只自嗟  
官閒如致仕客久似無家

家夜雨孤燈夢春風幾度花故園歸有日詩酒老  
生涯

舟中見雨

今夜初聽雨江南杜若青功名何處莽兄弟總彫  
零夢遠愁蝴蝶情深愧鵲鴒撫孤終日意身世尚  
流萍

江干

江干望不極樓閣影繽紛水氣多爲雨人煙遠是  
雲予生何瀟落客路轉辛勤楊柳牽愁思和春上  
翠裙

宿天竺寺曉發羅源

黃昏投古寺深院一燈明  
水砌長杉列風廊敗葉鳴  
山雲留別偈王事遽歸程  
迢遞羅源路輕輿候曉行

吳明府自遠而來留宿

出門逢故友衣服滿塵埃  
歲月不可問山川何處來  
倚城容弊宅散職寄靈臺  
自此留君醉相歡得幾回

春日訪山人

遠訪山中客分泉漫煮茶  
相攜林下坐共惜髩邊華

華歸路逢殘雨沿溪見落花候門童子問遊樂到誰家

過龍灣閣訪友人不遇

野橋秋水落江閣暝煙微白日又欲午高人猶未歸  
青林依石塔虛館靜柴扉坐久思題字翻憐柿葉稀

過友人隱居

蕭瀟絕塵喧清溪潭遶門水聲鳴石瀨蘿影到林軒  
地靜留眠鹿庭虛下飲猿春花正夾岸何必問桃源

遊少林寺

步入招提路因之訪道林  
石龕苔蘚積香徑白雲深  
雙樹含秋色孤峰起夕陰  
禪廊行欲遍回首一長吟

重遊長真寺

同到長真寺青山四面同  
鳥啼花竹晴人散戶庭空  
蒲澗千年雨松門午夜風  
舊遊悲往日回首各西東

宿靈巖寺

馬疲盤道峻投宿入招提  
雨急山溪漲雲迷嶺樹

低涼風來殿角赤日下天西  
偃腹虛簷外林空鳥  
恣啼

留宿羅源西峰寺示輝上人

一宿西峰寺塵煩暫覺清  
遠林生夕籟高閣起鐘  
聲山寂僧初定廊深火自明  
雖云殊出處聊與說  
無生

題橫山寺

偶入橫山寺湖山景最幽  
露涵松翠濕風湧浪花  
浮老衲供茶盃斜陽送客舟  
自緣歸思促不得更  
遲留



暉上人獨坐亭

蕭條心境外兀坐獨參禪  
蘿月明盤石松風落澗  
泉性空長入定心悟自通玄  
去住渾無跡青山謝  
世緣

過賈誼宅

一謫長沙地三年歎逐臣  
上書憂漢室作賦弔靈  
均舊宅愁荒草西風薦客  
蘋淒涼回首處不見洛  
陽人

贈行脚僧

補衲隨緣住難維塵外蹤  
木杯能渡水鐵鉢肯降

龍到處棲雲榻何年臥雪峰知師歸日近應偃舊  
房松

江上別張歡

年年五湖上厭見五湖春長醉非關酒多愁不爲  
貧山川迷道路伊洛暗一作風塵今日扁舟別俱

爲滄海人

賦得古井送王明府

古井底幽亭涓涓一竇明仙源通海水靈液孕山  
精久旱寧同涸長年祇自清飲彰貞白操酌獻使  
君行

賦得長亭柳

濯濯長亭柳陰連灞水流  
雨搓金縷細煙裊翠絲  
柔送客添新恨聽鶯憶舊遊  
贈行多折取那得到  
深秋

宮詞

紫禁迢迢宮漏鳴夜深無語獨含情  
春風鸞鏡愁中影明月羊車夢裏聲  
塵暗玉堦綦跡斷香飄金屋篆煙清  
貞心一任蛾眉妬買賦何須問馬卿

過故人陳羽山居

向來攜酒共追攀此日看雲獨未還  
不見山中人

半載依然松下屋三間  
峰攢仙境丹霞上水遶漁  
磯綠玉灣却望夏洋懷二妙  
滿崖霜樹曉斑斑

酬耿少府見寄

方丈蕭蕭落葉中  
暮天深巷起悲風  
流年不盡人自老  
外事無端心已空  
家近小山當海畔  
身留環衛陰一作隱  
牆東遙聞相訪頻  
逢雪一醉寒宵誰與

同

贈徐山人

亂餘山水半凋殘  
江上漁君春正闌  
針自指南天宿  
宿星猶拱北  
夜漫漫漢陵帝子黃金盤  
晉代神

仙白玉棺回首風塵千里外故園煙雨五峰寒

送宮人入道

蕭蕭白髮出宮門羽服星冠道意存霄漢九重辭  
鳳闕雲山何處訪桃源瑶池醉月勞仙夢玉輦乘  
春却帝恩回首吹簫天上伴上陽花落共誰言

過賈誼舊居

楚鄉卑濕歎殊方鵬賦人非宅已荒謾有長書憂  
漢室空將哀些弔沅湘雨餘古井生秋草葉盡疎  
林見夕陽過客不須頻太息咸陽宮殿亦淒涼

哭朱放

幾年湖海挹餘芳豈料蘭摧一夜霜人世空傳名  
耿耿泉臺香隔路茫茫碧窓月落琴聲斷華表雲  
深鶴夢長最是不堪回首處九泉煙冷樹蒼蒼

山居

麋鹿自成羣何人到白雲山中無外事終日醉醺  
醺

夜坐

夜靜河漢高獨坐庭前月忽起故園思動作經年  
別

遣興

明月臨滄海閒雲戀故山詩名滿天下終日掩柴關

口號

白髮千莖雪寒窓懶著書最憐吟首宿不及向桑榆

北山游亭

西巖水泠泠沿岡有游亭自從春草長遙見祇青青

題黃司直園

爲憶去年梅凌寒特地來門前空臘盡渾未有花

開

宿無可上人房

偶來人境外何處染囂塵倘許栖林下僧中老此  
身

草堂一上人

一公持一鉢相復度遙岑地瘦無黃獨春來草更  
深

送王司直

西塞雲山遠東風道路長人心勝潮水相送過潯  
陽



戲留顧明雁

江南雨初歇山暗雲猶濕未可動歸橈前程風正急

題天柱山圖

拔翠五雲中擎天不計功誰能凌絕頂看取日升東

隄上柳

垂柳萬條絲春來織別離行人攀折處鬢髮斷腸時

松鶴

雨濕松陰涼風落松花細獨鶴愛清幽飛來不飛去

畫蟬

飲露身何潔吟風韻更長斜陽千萬樹無處避螳螂

織女詞

鳳梭停織鵲無音夢憶仙郎夜夜心難得相逢容易別銀河爭似妾愁深

閨怨

看花無語淚如傾多少春風怨別情不識玉門關

外路夢中昨夜到邊城

春怨

金鴨香消欲斷魂  
梨花春雨掩重門  
欲知別後相思意  
回看羅衣積淚痕

塞上曲二首

軍門頻納受降書  
一劍橫行萬里餘  
漢祖謾誇婁敬策  
卻將公主嫁單于

漢家旌幟滿陰山  
不遣胡兒疋馬還  
願得此身長報國  
何須生入玉門關

昭君詞

漢家宮闕夢中歸幾度  
蘊房淚濕衣惆悵不如邊  
雁影秋風猶得向南飛

蘭溪棹歌

涼月如眉掛柳灣  
越中山色鏡中看  
蘭溪三日桃花雨  
半夜鯉魚來上灘

夏日登鶴巖偶成

天風吹我上層岡  
露灑長松六月涼  
願借老僧雙白鶴  
碧雲深處共翱翔

過柳溪道院

溪上誰家掩竹扉  
鳥啼渾似惜春暉  
日斜深巷無人

人跡時見梨花片片飛

題友人山居

四郭青山處處同  
客懷無計荅秋風  
數家茅屋清溪上  
千樹蟬聲落日中

嚴次寄湖南張郎中

閉門茅底偶爲鄰  
北阮那憐南阮貧  
却是梅花無世態  
隔牆分送一枝春

贈鶴林上人

日日澗邊尋茯苓  
巖扉常掩鳳山青  
歸來掛衲高林下  
自剪芭蕉寫佛經

題稚川山水

松下茅亭五月涼  
汀沙雲樹晚蒼蒼  
行人無限秋風思  
隔水青山似故鄉

句

鄰里龍沙北

董道云陳公建得戴客州臨川六詠真蹟有此句豫章記言章江東岸沙

勢如臥龍故云今集中止有龍沙聖詩一篇餘已亡矣

麥秋桑葉大梅雨

稻田新籬落栽山果池塘養錦鱗  
泊鴈鳴深渚

收霞落晚川  
柝隨風歛陣樓映月低  
弦漠漠汀帆

轉幽幽岸火燃  
壑危通細路  
溝曲繞平田

雁泊

丁籤六十五

唐音統籤卷三百九

劉商字子夏彭城人少好學攻文善畫登大曆進士第貞元中官至比部郎中性耽道術晚歲隱義興胡父渚世傳其仙去集十卷又胡笳詞一卷今編爲二卷

唐宋志同當官虞部集各列虞部集武元衡撰序云所著歌行二百七十七篇皆滋液瓊環之明潤瀟灑縹緲之濃華及早歲著胡笳詞十八拍出入沙塞崎嶇驚心云至矣太原王緒河東裴茂茂弟薦河南豆盧峯馮翊嚴紳紳弟綬及余伯舅泊于子夏咸以儒業相資爰共葺繼承詩之末傳之不朽

五言古詩

銅雀妓

魏王矜蛾眉美人美於玉高臺無晝夜歌舞竟未  
足盛色如轉圜夕陽落深谷仍令身歿後尚縱平  
生慙紅粉淚縱橫調絃向空屋舉頭君不在唯見  
西陵木玉輦豈再來嬌鬟爲誰綠那堪秋風裏更  
舞陽春曲曲罷情不勝闌干向西哭臺邊生野草  
來去胃羅穀况復陵寢間雙雙只麋鹿

哭韓淮端公兼上崔中丞

堅貞與和璧利用歸干將金玉徒自寶高賢無比  
方挺生巖松姿孤直陵雪霜亭亭結清陰不競桃  
李芳讀書哂霸業翊贊思皇王千載有疑議一言



能否臧儒風久淪弊顏閔壽不長邦國豈殄瘁斯  
人今又亡別離長春草存沒隔楚鄉聞問尚書慟  
淚凝向日黃奄忽薤露晞杳冥泉夜長賢愚自修  
短天色空蒼蒼銘旌歛歸魂荆棘生路傍門柳日  
蕭索總帷掩空堂燈孤晦處明高節歿後彰芳蘭  
已灰燼幙府留餘香常愛獨坐尊繡衣如鴈行至  
今虛左位言發淚沾裳

七言古詩

鳥夜啼

遶林啞啞驚復栖含煙碧樹高枝迷月明露濕枝

亦滑城上女牆西月低愁人出戶聽烏啼團團明月墮牆西月中有桂樹日中有伴侶何不上天去一聲啼到曙

胡笳十八拍

晁公武讀書志云漢蔡邕女琰爲胡騎所掠因胡人吹蘆葉以

爲歌遂翻爲琴曲其辭古淡商因擬之以叙琰事盛行一時又續仙傳云商胡笳十八拍兒童婦女悉誦之

第一拍

漢室將衰兮四夷不賓動干戈兮征戰頻哀哀父母生育我見離亂兮當此辰紗窓對鏡未經事將謂珠簾能蔽身一朝虜騎入中國蒼黃處處逢胡

人忽將薄命委鋒鏑可惜紅顏隨虜塵

第二拍

馬上將余向絕域厭生求死死不得戎羯腥膻豈  
是人豺狼喜怒難姑息行盡天山足霜霰風土蕭  
條近胡國萬里重陰鳥不飛寒沙莽莽無南北

第三拍

如羈囚兮在縲紲憂慮萬端無處說使余刀斧剪  
余髮食余肉兮飲余血誠知殺身願如此以余爲  
妻不如死早被蛾眉累此身空悲弱質柔如水

第四拍

星言精鑑  
山川路長誰記得何處天涯是鄉國自從驚怖少  
精神不覺風霜損顏色夜中歸夢來又去朦朧豈  
解傳消息漫漫胡天叫不聞明明漢月應相識

第五拍

水頭宿芳草頭坐風吹漢地衣裳破羊脂沐髮長  
不梳羔子皮裘領仍左狐襟貉袖腥復臃晝披行  
今夜披卧毳帳時移無定居日月長今不可過

第六拍

怪得春光不來久胡中風土無花柳天翻地覆誰  
得知如今正南看北斗姓名音信兩不遺終日經

年常閉口是非取與在指攜言語傳情不如手

第七拍

男兒婦人帶弓箭塞馬蕃羊卧霜霰寸步東西豈  
自由偷生乞死非情願龜茲算策愁中聽碎葉琵琶  
夜深怨竟夕無雲月上天故鄉應得重相見

第八拍

憶昔私竊慙嬌小遠取珍禽學馴擾如今淪棄念  
故鄉悔不當初放林表朔風蕭蕭寒日暮星河寥  
落胡天曉旦夕思歸不得歸愁心想似籠中鳥

第九拍

月音新集  
當日蘇武單于問道是賓鴻解傳信學他刺血寫  
得書書上千重萬重恨髯胡少年能走馬彎弓射  
飛無遠近遂令邊鴈轉怕人絕域何由達方寸

第十拍

恨凌辱兮惡腥羶憎胡地兮怨胡天生得胡兒欲  
棄捐及生母子情宛然貌殊語異憎還愛心中不  
覺常相牽朝朝暮暮在眼前腹生手養寧不憐

第十一拍

日來月往相催遷迢迢星歲欲周天無冬無夏卧  
霜霰水凍草枯爲一年漢家甲子有正朔絕域三

光空自懸幾回鴻鴈來又去腸斷蟾蜍虧復圓

第十二拍

破瓶落井空永沉故鄉望斷無歸心寧知遠使問  
姓名漢語泠泠傳好音夢魂幾度到鄉國覺後翻  
成哀怨深如今果是夢中事喜過悲來情不任

第十三拍

童稚牽衣雙在側將來不可留又憶還鄉惜別兩  
難分寧棄胡兒歸舊國山川萬里復邊戍背而無  
由得消息淚痕滿面對殘陽終日依依向南北

第十四拍

莫以胡兒可羞耻  
恩情亦各言其子  
手中十指有長短  
截之痛惜皆相似  
還鄉豈不見親族  
念此飄零隔生死  
南風萬里吹我心  
心亦隨風渡遼水

第十五拍

歎息襟懷無定分  
當時怨來歸又恨  
不知愁怨情若何  
似有鋒鏑擾方寸  
悲懽並行情未快  
心意相尤自相問  
不緣生得天屬親  
豈向仇讐結恩信

第十六拍

去時只覺天蒼蒼  
歸日始知胡地長  
重陰白日落何處  
秋鴈所向應南方  
平沙四顧自遶惑  
遠近悠



悠隨鴈行征途未盡馬蹄盡不見行人邊草黃

第十七拍

行盡胡天千萬里唯見黃沙白雲起馬餓跑雪御  
草根人渴敲冰飲流水燕山鬢髭辨烽戍鼙鼓如  
聞漢家壘努力前程是帝鄉生前免向胡中死

第十八拍

歸來故鄉見親族田闢半蕪春草綠明燭重然煨  
燼灰寒泉更洗沈泥玉載持巾櫛禮儀好一弄絲  
桐生死足出入關山十二年哀情盡在胡笳曲

金井歌

文明化洽天地清和氣

一作氣

氤氲孕至靈

一作瑞

瑞

雪不敢抱層嶺陽谷霞光射山頂雜草披沙石竇  
開生金曜日明金井虞衡相賀爲禎祥畏人採撷  
持斧斨羊馳馬走塵滿道郡邸封章開建章君王  
儉德先簡易瞻國肥家在仁義山澤藏金與萬人  
宣言郡邑無專利閭閻少長競奔奏黃金滿袖家  
富有驩心蹈舞歌皇風願載謳歌青史中

秋夜聽嚴紳巴童唱竹枝歌

巴人遠從荆江客回首鄉山雲隔思歸夜唱竹  
枝歌庭檉葉落秋風多曲中歷歷叙鄉思鄉思綿

綿楚詞古身騎吳牛不畏虎手提簑笠欺風雨猿

啼日暮江岸邊綠林

一作連

山水連天來時十三

今十五一成新衣已再補鴻鴈南飛報鄰伍在家  
歡樂辭家苦天晴露白鐘漏遲淚痕滿面看竹枝  
曲終寒竹風裊裊西方月落東方曉

泛舒城南溪賦得沙鶴歌奉餞張侍御赴河  
南元博士赴楊州拜覲僕射

終日間闔逐群雞喜逢野鶴臨清溪綠苔春水水  
中影夜月平沙沙上栖驚謂汀洲白蘋發又疑曲  
渚前年雪紫頂昂藏肯狎人一聲嘹唳

一作張

冲天

闕素質翩翩帶落暉湖南涓陽相背飛東西分散  
別離促宇宙蒼茫相見稀皇華地仙如鶴馭乘駕  
飄飄留不住延望乘虛入紫霞陌頭回首空煙樹  
會使搏風羽翮輕九霄雲路隨先鳴

姑蘇懷古送李秀才下第歸江南

姑蘇臺枕吳江水層級鱗差向天倚秋高露白萬  
林空低望吳田三百里當時雄盛如何比千仞無  
根立平地臺前來月吹玉鸞臺上迎涼撼金翠銀  
河倒瀉君王醉灑酒峨冠恥西子宮娃酣態舞娉  
婷香腮四點真珠墜伍員結舌長噓戲忠諫無因

到君耳城烏啼盡海霞銷深掩金屏日高睡王道  
潛墮伍負成可歎斗間膽王氣會稽勾踐擁長矛  
萬馬鳴蹄掃空壘瓦解冰銷真可耻凝艷妖芳安  
足恃可憐荒堞晚冥濛麋呦呦遊遺址君懷逸  
氣還東吳狂吟日日遊姑蘇興來下筆倒奇景瑤  
盤迸灑蛟人珠大鵬矯翼翻雲衢嵩峰霽後凌天  
孤海潮秋打羅刹石月魄夜當彭蠡湖有時凝思  
萬慮無覓曩髮鬢遊仙都琳瑯暗憂玉華殿天香  
靜裊金芙蓉君聲日下聞來久清瞻何人敢敵手  
我逃名迹遊西林不得灞陵傾別酒莫便五湖爲

隱淪年年三十昇仙人

柳條歌送客

露井天桃春未到遲日猶寒柳開早高枝低枝飛  
鷗黃千條萬條覆宮牆幾回離別歡折盡一夜東  
風吹又長毵毵拂人行不進依依送君無遠近青  
春去住隨柳條却寄來人以爲信

賦得射雉歌送楊協律表弟赴婚期

昔日才高容貌古相敬如賓不相覩手奉蘋蘩喜  
盛門心知禮義感君恩三星照戶春空盡一樹桃  
花竟不言結束車輿強遊往和風霽日東臯上鸞

參差陌上行麥苗繁隴雉初鳴修容盡飾將何  
益極慮呈材欲導情六藝從師得機要百發穿楊  
含絕妙白羽風馳碎錦毛青娥怨處嫣然笑楊生  
詞賦比潘郎不似前賢貌不揚聽調琴弄能和室  
更解彎弧足自防秋深爲爾持圓扇莫忘魯連飛  
一箭

賦得隨陽鴈歌送兄南遊

塞鴻聲聲飛不住終日南征向何處大漠窮陰多  
近寒分飛不得長懷安春去秋來年歲疾湖南薊  
北關山難寒飛萬里胡天雪夜度千門漢家月去

住應多兩地情東西動作經年別南州風土復何  
如春鴈歸時早寄書

雜言同豆盧郎中郭南七里橋哀悼姚倉曹  
橋邊足離別終日爲悲辛登橋因歎逝却羨別離  
人橋下東流水芳樹櫻桃葢流水與潮回花落明  
年開可憐三語掾長作九泉灰宿昔歡遊在何處  
花前飲足求仙去

五言律詩

春日卧病書懷

楚客經年病孤舟人事稀晚晴江柳變春暮

一作夢



塞鴻歸今日方知命前年自覺非不能憂歲計無限故山

題楊侍御新亭

毗陵過桂史簡易在茅茨芳草和

一作如

花種修篁

帶笋移逕幽人未賞簷靜鷺初窺野客憐霜壁青松盡一枝

題悟空寺

扁舟水淼淼曲岸復長塘古寺春山上登樓憶故鄉雲煙橫極浦花木擁廻廊更有思歸意晴明陟上方

同徐城季明府遊重光寺題晃師房

野寺僧房遠陶潛引客來鳥喧殘果落蘭敗幾花  
開真性知無住微言歡望回竹風清磬晚歸策步  
蒼苔

題廢禪居寺

凋殘精舍在連步訪緇衣古殿門空掩楊花雪亂  
飛鶴巢松影薄僧少磬聲稀青眼能留客疎鐘逼  
夜歸

送楊閑侍御拜命赴上都

賀客移星使絲綸出紫微手中霜作簡身上繡爲

衣驄馬朝天疾臺鳥向日飛親逢皆避路不是送人稀

送林袞侍御東歸秩滿赴上都

幾年烏府內何處逐見歸關吏迷驄馬銅章累繡衣野人山草綠客路柳花飛况復長安遠青書從此稀

送李元規昆季赴舉

見誦甘泉賦心期折桂歸鳳雛皆五色鴻漸又雙飛別思看衰柳秋風動客衣明朝問禮處慙覺鴈行稀

送人之江東

含香仍佩玉宜入鏡中行  
盡室隨乘興扁舟不計程  
渡江霖雨霽對月夜潮生  
莫慮當炎暑稽山水木清

賦得月下聞蛩送別

物候改秋節炎涼此夕分  
暗蟲聲遍草明月夜無雲  
清迥簷外見淒其籬下聞  
感時兼惜別羈思自紛紛

五言排律

送廬州賈使君拜命

考績朝稱貴時清武用文二天移外府三命佐元  
勲佩玉兼高位擬金閤上軍威容冠是鐵圖畫閣  
名芸人詠甘棠茂童謠竹馬群懸旌風蕭蕭卧轍  
淚紛紛特達恩難報昇沉路易分侯嬴不得從心  
逐信陵君

七言律詩

同諸子哭張元易

盛德高名總是空神明福善大朦朧避魂永永無  
歸日流水年年自向東素帷旅櫬鄉關遠丹旆孤  
燈客舍中伯道共悲無後嗣孀妻老母斷根蓬